



**Historia Pelagiana Et Dissertatio De Synodo V.
Œcumenica In Qua Origenis ac Theodori Mopsuesteni
Pelagiani erroris Auctorum justa damnatio exponitur, &
Aquilejense Schisma describitur**

Noris, Enrico

Patavii, 1708

Cap. 7. Nestorius pro Juliano, ac collegis apud Cœlestinum intercedens ab eodem Pontifice increpatur. Pelagiani Ex-episcopi à Theodosio Imperatore Constantinopoli expelluntur. Augustinus contrà ...

[urn:nbn:de:hbz:466:1-72486](#)

satus fuerat coram Aurelio Primate; Pelagii item errores, ejusdemque paralogismi recensebantur, quos suis in Epistolam Pauli expositionibus indiderat. Insuper ex eodem Commonitorio colligimus, Zosimum ad Ecclesias Alexandriæ, Antiochiae, & Constantinopolis de Pelagianis abs se damnatis scripsisse. Unde licet Cyrus, & Atticus id temporis nondum Chrysostomi nomen in diptychâ retulissent, uti proximè dicebamus, noluit tamen Zosimus Innocentii vestigiis inhærere, sed eâ diffensione omisâ, eosdem per literas convenit. Cùm autem ibidem præmittat, Cœlestio Constantinopoli ab Attico damnato, de ejusdem proscriptione literas ab Antistite C-P. in Asiam, & Thessalonicam, & Carthaginem ad Episcopos missas, patet id contigisse Innocentio adhuc pontificatum gerente, cùm nullæ Attici literæ ad Romanum Antistitem laudentur, quod cum eodem Atticus non conveniret. At de Zosimi Epistolâ scribit Mercator: Quæ & Constantinopolim, & per totum Orbem missa subscriptionibus Sanctorum Patrum est roborata. Et antea de iisdem Zosimi literis ait: Et ad Orientales Ecclesias, Ægypti diæcesim, & Constantinopolim, & Thessalonicam, & Hierosolymam similia, eademque scriptæ ad Episcopos transmissa suggerimus. Ex quibus infero, anno primo Zosimi inter Romanam, & Orientis Ecclesiam pacem conflatam, pro quâ ante decennium Augustinus cum ceteris Africanis Patribus collaboraverat. Nam in Synodo Honorio VIII. & Theodosio II. nempè anno 407. Carthagine celebratâ legitur hic canon: Placuit etiam, ut de diffensione Romanæ, atque Alexandrina Ecclesia ad Sanctum Papam Innocentium scribatur, quod utraque Ecclesia intrâ se pacem, quam precepit Dominus, teneat. Est canon 68. in Cod. Concil. Africæ. Hinc appetat supina Marii Antonii de Dominis ignorantia libro 4. de Republica Eccles. cap. 8. num. 28. post recitatum eundem canonem scribentis: Hec sanæ verba Romanam magis, quam Alexandrinam Ecclesiam accusant, & faciunt culpabilem; sed quodnam fuerit hoc dissidium, mibi nunc est ignotum. Quis autem non rideat ineptum hunc judicem de incognitâ sibi causâ contrâ Romanum Pontificem sententiam pronunciantem? Ob expunctum è diptychis à Theophilo Alexandrino Chrysostomi nomen controversia erat, in quâ tandem aliquandò Romanæ Ecclesie sententia vicit, Chrysostomo ubique gentium Orthodoxarum Diptychis restituto.

Marius Mercator, qui anno præsenti Commonitorum Theodosio Imperatori contrâ Pelagianos Ex-Episcopos obtulit, scripsit etiam alterum Commonitorium contrâ Julianum ad Pintam Presbyterum, in quo contrâ scripta ejusdem in ultimis octo adversis Augustinum libris invehit, pluribus probans, Adamo non peccante genus humanum haud futurum fuisse morti obnoxium. Scriptit etiam contrâ Judaicum symbolum Theodori Mopsuesteni, in quo opere tradit Theodorum Juliani, ac Nestorii Magistrum fuisse: verba ejusdem superius dedimus. Hos libellos post annum 430. ab eodem lucubratos indè patet, quod Augustinum sanctæ recordationis Episcopum vocat, cuius etiam doctrinam contrâ Juliani argumenta defendit. Quantum verò hic Scriptor Augustino detulerit, colligitur ex his, quæ pag. 12. col. 2. Cod. Palatino-Vaticani num 434. leguntur: In hunc, inquit, Scripturarum divinarum sensum, in hac verba juravimus, salvâ sanè reverentia, & debitâ honorificentia sanctæ, & beatæ memoria Episcopi Augustini, qui te pastorali clara ab Ecclesiâ de-

terruit, proturbavit, atque confregit. Quasi veniam precetur, quod post Augustinum quidpiam contrâ Julianum scriptis mandare ausus fuerat. Et pag. 4. ait: Sanctus autem sèpè dictus Episcopus Augustinus, & suis libris quatuor illius priores evertit, otto quoque posteriores singulis responsionibus suis ad singula capitula subiectis, ac sic vanos ejus, ac plumbeos pugiones malo Catholicæ veritatis obtudit, imò confregit. Erat Mercator græco, latinoque sermone eruditus, sacras etiam literas, ac Patrum statuta adeo percalebat, ut Julianum jactantissimum Pelagiani errores assertorem (ita hæreticum nuncupat Prosper in Chronico) ad certamen Constantinopoli provocaverit, hæc enim in calce Commonitorii pronunciavit: Si quos confidunt adversus Catholicam fidem non rectè sentire, nominatim designare non dubitent, & Ecclesiastico ordine à nobis accipient pro nostra possibilitate responsum. Hactenùs de Mario Mercatore, ejusque contrâ Pelagianos scriptis, qui licet diu incognitus in bibliothecarum angulis latuerit, in posterum inter præcipuos divinæ gratiæ, ac Sancti Doctoris defensores ejusdem doctrinæ professoribus seruamvis commendatione memorabitur.

CAPUT VII.

Nestorius pro Juliano, ac collegis apud Cœlestinum intercedens ab eodem Pontifice increpatur. Pelagiani Ex-episcopi à Theodosio Imperatore Constantinopoli expelluntur. Augustinus contrâ Julianum scribens moritur. De eodem elogium, atque epinicia.

Anno
430. Nierant consulatum Augusti Theodosius XIII. Valentianus III. nempè anno Christianæ epochæ quadringentesimo trigesimo, qui sanè ater, ac luctuosus Orthodoxis fuit amissio Pelagianorum domitore Augustino. Julianus, ac collegæ Constantinopoli in uno Nestorio illius Urbis Episcopo recuperandarum Sedium spem locabant. Nestorius quidem benignè illos exceperat, ut ex iis, quæ postea secuta sunt, intelligitur, licet eosdem à se rejectos fuisse ad Cœlestinum scriperit. Etenim novum se illismet advocatum pollicitus eorum causam defensurus iteratas ad Cœlestinum literas dedit. In prioribus autem hæc scripsit: Julianus quidam, & Florus, & Orontius, & Fabius dicentes se Occidentalium partium Episcopos sèpè & piissimum, & prædicatissimum Imperatorem adierunt, ac suas causas desleverunt tanquam Orthodoxi temporibus Orthodoxis persecutionem passi, sèpè eadem & apud nos lamentantes, ac sèpè rejecti eadem facere non desierunt, sed insistunt in dies singulos implentes aures omnium vocibus lacrymosis. Postea nescire se fingit causas, ob quas illi proscripti essent, enixè rogans, ut brevi responso significaret, num forent inter Catholicos numerandi, an cum hereticis computandi. Hæ Nestorii literæ apud Binium ponuntur datae III. Idus Augusti Theodosio XIII. & Valentini. III. Coss. qui apertus error est; nam Cœlestini responsio ad hasce Nestorii literas eo ipso die ejusdem anni data significatur, ut mox dicam. Quarè antè aliquot menses data fuerunt; imò prior Epistola, cuius fragmentum proximè recitavimus, superiori anno scripta videtur, cùm Pelagiani Constantinopolim appulsi illius opem, operamque implorarunt. At plures eâ de re Nestorium ad Cœlestinum literas dedisse, ex alterâ Hæretici Epistolâ ad eundem intelligitur, in quâ ait: Sèpè scripsi Beatitudini tuae

tua propter Julianum, Orontium, & ceteros, qui sibi usurpant Episcopalem dignitatem, & creberrimam adiotionem ad piissimum, & prædicatissimum Imperatorem faciunt, nosque concidunt frequentibus lamentationibus, tanquam temporibus Orthodoxis de Occidente projecti. At hucusque scripta de his à tua veneratione non suscepimus, quæ si haberem, possem eis respondere, daremque compendiosum responsum luctibus eorum; Hec novus Pelagianorum advocatus.

Cœlestinus Nestorii indignatus, quod Pelagianis Episcopis olim ab Apostolicâ Sede exuctoratis adiocationem commodaret, diutius responsum diffulit; At acceptis à Cyrillo Alexandrino literis, quies Antititis C-P. contrâ orthodoxam Ecclesiam conat signifabantur, haud ulterius morandum ratus acres ad Nestorium literas dedit, quibus illum quâ veterum hæreticorum patronum, novæque insuper hæreseos auctorem increpuit: *Dudum*, inquit, *sumpsimus* Epistolas tuas, quibus in angusto nibil potuimus dare responsi; erat enim in latinum sermo vertendus, quod cum, licet sero, fecimus, Sancti fratris, & Coepiscopi mei Cyrilli probatissimi Sacerdotis per filium meum Possidonium Diaconum talia de te scripta suscepimus, quibus his, quæ de tua ordinatione retulerant, periisse suum testimonium doleremus &c. Hæreticos de quibus nos, velut eorum, quæ gesta sunt, nescius consulere voluisti, sedibus suis iustificantes expulit iusta damnatio, quos illuc invenerit requiem non putamus esse mirandum, invenerunt enim impianam predicationem, cuius comparatione se astiment innocentes. Hoc loco, quia oppoerentia sermonis exposcit, tacere non possumus, quod stupemus. Legimus, quam bene teneas originale peccatum, qualiter ipsam naturam asservis debitricem, & cum debitum meritò reddere, qui descendit de genere debitoris. Quid tecum faciunt, qui sunt hac negando damnati? Nunquam sine suspicione ea, quæ sibi sunt adversa, convenient. Ejacentur denique, si tibi quoquè similiter dispercerent. Cur tamen ea, quæ in eos tunc sunt acta, quaruntur, cum certum sit, illinc ad nos à Catholicis tunc Antitite Attico gesta directa? Cur non sanctæ memoriae Sisinius ista quæsivit? quia utique sub decessore suo probaverat eos jure damnatos. Deflant infelices spe se hominum fuisse deceptricos, quibus jam potuit propter communionem sola patientia subvenire. Ecce scire de his incipit, si quæ ante nescivisti. Causam tuam magis modò, quam aliorum Catholicæ, & festina deliberatione curato, quia convenienter dicimus: Medice cura te ipsum, qui diis desideras subvenire. Ibi verò damnato ejusdem Nestorii de Christi Incarnatione dogmate jubet, ut intrà decimum diem ab his literis acceptis ad Orthodoxorum sententiam accedat, quod si renuat, anathemati illum subjicit. Data est Epistola Cœlestini III. Idus Augusti Theodosio XIII. & Valentiniano III. Augg. Conf. nempe anno 430. Cæterum laudatas literas non rectâ ad Nestorium perferendas curavit, sed per Possidonium easdem ad Cyrillum in Ægyptum misit, qui illas postea Constantinopolim transmitteret: *Quam nostri*, inquit ibidem, *in te iudicii formulam cum ceteris omnibus charis, & commentariis per filium nostrum Possidonium Diaconum, eius supra meminimus, ad Sanctam Cyrillum memorata Alexandrina Ecclesiæ Episcopum*, qui eâ ipsâ quoquæ de refusis ad nos retulerat, transmisimus, ut noster patet in parte Vicarius efficiat, quod nostrum decretum & tibi, & reliquis quoque omnibus fratribus patefiat. Hanc verò Cœlestini contrâ Pelagianos Epistolam quâ eum adjunctis postea Cyrilli literis accepit Nes-

torius die 6. Decembbris, nam in Codice Palatino-Vaticano Num. 234 pag. 22. recitatur sermo quidam Nestorii cum hac epigrapha: Item ejusdem Nestorii sermo in Ecclesiâ habitus postquam literas Cœlestini Romani Episcopi, & Cyrilli Alexandrini denunciationis accepit VIII. Idus Decembbris Conf. Theodosio XIII. & Valentiniano III. Augg. post sextam diem, quād easdem literas sumpsit. Dulcem nobis præcedens Doctor &c. Verū antequâm hæ literæ Constantinopolim pervenirent, Julianum cum collegis Urbe regiâ accepto à Mario Mercatore contrâ coldem Commonitorio à Theodosio expulsos fuisse, idem Marius testatur pag. 36. memorati Codicis Palatini: *Per quod commonitorium, inquit, cognito funestissimo errore imperiali precepto tam Julianus defensor & sequax ejus cum ceteris sociis, & participibus suis, quam postea etiam Cœlestius de Constantinopolitanâ urbe detrusi sunt*; Commonitorium enim anno superiori ab eodem Mario oblatum fuisse Principi, ac Clero superiùs ostensum est. Illi tamen Pelagiani Ex-Episcopi Byzantio pulsi cùm anno sequenti indictam apud Ephesum Synodus accepissent, in viciniâ moras traxerunt, ac pergenti stato tempore ad Synodum Nestorii se fœcōmitates adjunxerent, ut postea nobis describetur.

Interim Africæ res in deterius ruebant, nam Vandali latè per eas provincias cædibus, ac rapinis gravabantur, & quadringentis, & trigesita Ecclesiis exercitis Hipponi regio exercitum admoverant, ac validissimâ classi acciâ terrâ, marique obsidionem urgebant. Augustinus nec civibus, nec Ecclesiæ deerat, illos verbo, hanc calamo confirmans, neque tamen tantas inter obsessa urbis angustias à Pelagianis expugnandi potuit revocari; nam adversus postremos Juliani libros responsum nocturnis ferè horis expediebat. Anno 327. quatuor jam volumina compleverat, dein *Quod-vultdei* literis, & Gallorum novis tumultibus, atque quotidianis amicorum petitionibus, & reliquorum præsertim operum retrac-tatione interpellatus imperfæctam contrâ Julianum responsum reliquerat, eidem tamen inter Vandalicam obsidionem ultimam manum imponere conabatur. Illud sanè notandum est Augustinum in quarto libro, quem anno 427. elucubrasse ostendimus, Nestorii hæresim, quæ anno 428. ex impio Anastasi Presbyteri Nestorii discipuli ore primum erupit, confutasse; etenim cùm Julianus lib. 4. cap. 82. dixisset de Christo: *Etiam illud claro testimonio docetur, quod suscepti hominis justitia non de natura diversitate sed de voluntaria actione substituerit*. Augustinus hisce hæreticum redarguit: *Ergone ista suscepio, quæ Deum, & hominem uam fecit esse personam, nihil illi homini valuit ad excellentiam justitiae, quam dicit ei de voluntaria actione substituisse?* Siccine vos contrâ Dei gratiam defensio liberi arbitrii præcipites egit, ut etiam ipsum mediatorem, ut esset Dei filius unicus voluntate sua meruisse dicatis, & falsum esse, quod tota consisteret Ecclesia, credere se in Jesum Christum Filium Dei Patris omnipotentem unicum Dominum nostrum natum de Spiritu Sancto, & Virgine Mariâ? Secundum vos enim non à Verbo Dei homo susceptus est, ut ex Virgine nascetur, sed natus ex Virgine sua postea voluntatis virtute profecit, & fecit ut à Verbo Dei suscipietur, non talem, ac tantam voluntatem illâ susceptione habens, sed ad illam susceptionem tali, ac tantâ voluntate perveniens. Hæc si dicitis, ubi est vestra frons? si non dicitis, ubi est hæresis vestra? Vides Julianum antè Nestorium pessimè de personâ Christi Domini dogmatizasse, quæ à Theodoro Mopsuesteno, apud quem eos libros

eundem scriptisse narravimus, didicisse nullus inficias ibit, ut mirum non sit, tanto studio Nestorium Pelagianorum causam apud Cœlestinum promovisse. Idem tamen Augustinus etiam in Libro de Prædest. Sanctor. cap. 15. edito, cùm in Africam Nestorianæ hæresis rumor fortè delatus esset, hæc perscripsit; *Respondeatur queso, ille homo, ut à Verbo Patri coæternō in unitatem personæ assumptum, filius Dei unigenitus eset, unde hoc meruerit? quod ejus bonum qualemque præcessit? Quid egit antea, quid credit, quid petivit, ut ad hanc ineffabilem excellentiam perueniret? Nonne faciente, ac suscipiente Verbo ipse homo, ex quo esse cœperit, filius Dei unicus esse cœpit? &c.* Sed de his iterum capite seq. sermo redibit. Tertium jam memorem Hipponenses obſidionem tolerabant, & Augustinus sexto Juliani libro responderat, duoque alii refutabant confutandi, cùm gravi febre corruptus intrâ paucos dies & vivendi, & scribendi finem fecit Vandalo simul, ac Pelagiano bello immortuus V. Kal. Septembris Theodosio XIII. & Valentiniāno III. Coss. cùm vixisset annos LXXV. menses IX. dies XV. Pelagiani verò belli anno XIX. Sribit Sanctus Proſper in Chronico ad consulatum memoratum duorum Augustorum: *Augustinus Episcopus per omnia excellens moritur V. Kal. Septembris libris Juliani inter impetus obſidentium Vandolorum in ipso dierum suorum fine respondens, & gloriose in defensione Christianæ gratia perseverans.* Opus illud contrà Julianum vulgo imperfectum dicitur, ita enim Possidius in indice illud inscripsit. Diu quidem latuit, at nostro sæculo duo priores libri à Claudio Menardo inventi sunt, quatuor verò alios Hieronymus Vignierius è Clarevallensi Bibliothecæ angulo erutos in lucem emisit. Duo tamen libri desiderantur, nam ex octo Juliani libris sex tantum à Sancto Doctore confutantur. Quod verò hæc volumina legitimi Augustini partus sint aperte demonstrabo in appendice ad Dissertationem Historicam de Synodo V. cap. 2. cuius quidem rei testem idoneum, & locupletissimum dabimus Marium Mercatorum toties in hac Historiâ à nobis laudatum. Scio Pennotum, ac nostrum Coquæum existimasse, Augustinum obiisse anno 431. sed non modò Prosperi, verùm etiam Capreoli Antistitis Carthaginensis in literis ad Synodum Ephesinam testimonio falsitatis convincuntur: illarum verba inferius cap. 9. recitabimus, ubi etiam dicemus, cur Theodosius Imperator anno 431. post Junium literas ad totius Romanî Imperii Metropolitas scribens hos inter Augustinum nominaverit, qui tamen anno superiore decesserat.

Hunc vitæ exitum habuit Augustinus omnium mortaliū, si eos, quos Canonicos Scriptores appellamus, excipias, sapientissimus, editis adversus divinæ gratia hostes libris XXX. præter tot sacras declamationes, tractatus, & Epistolas, queis superbissimam hæresim proscidit. Patria illi Tagastis fuit Numidiæ municipium. A parentibus in Christianâ religione educatus sensim in Manichæorum sectam decidit nimirū discedendi cupiditate electus, sed secreto divinæ providentiae consilio Augustinus novennio Manichæorum errores exploravit, quod melius sibi notos validissime postea confutaret. Cùm domi tenuis, ac curta illi supellex esset, Romanianum nobilissimum, ac ditissimum cívem Meccenatem sortitus est, à quo operam, atque opes tulit, eidem postea tribus contrâ Academicos libris inscriptis ingenti scœnore immortalitas repensa. Liberales artes, cæteraque scientias proprio Marte percepit; neque

enim fas erat eum, qui omnium magister futurus erat, aliquando inter discipulos cenferi. Carthaginæ, Romæ, ac tandem Mediolani Rethoricam docuit. Lubricâ juventute in voluptates decidit, non ita tamen ut iisdem ingenii vires enervaret, imò tam pertinaci studio scientias sectabatur, ut unica in illis eidem voluptas esse videretur. Sacris Ambrosii Antistitis declamationibus ad bonam frugem reductus, Manetem execratus, ac salutaribus undis lotus Catholicæ militie nomen dedit. In Africam reversus Monachum induit, cuius Monastici instituti professores per Orbem postea latè colonias frequentissimas deduxere. At dum sibi vivere studet, omnium utilitatì vivere cogitur ad sacras Hippoensis Urbis infulas promotus. Hæres bellum intulit, ac mille victoriis reportatis totâ illam Africâ, imò Orbe penè toto exegit, ut quantum Catholica Republica habuit hostium, tantum & unus Augustinus ostenderit triumphorum. In Manichæos primū, dein in Donatistas, tandem in Pelagianos aciem movit, ac superis faventibus de universis triumphavit, factumque est, ut per Augustinum minus monitrorum Africa numeraret. Cum in reliquis hæreticis expugnandis cæteros acumine ingenii, rationum pondere, ac gravi disputationis impetu superasset, in Pelagianis debellandis se ipso quoque major evasit, contrâ illos enim totis ingenii viribus decertavit; uti verò illi doctrinæ subtilitate, & argumentorum vi cæteros hæreticos longo post se intervallo reliquere, ita Augustinus in eisdem tantâ virtute superandis suprà homines evectus est; neque enim ingratam gratiam dixerim, quæ sui strenuissimo defensori largâ manu suspectias non tulerit. Hinc divina penè Augustini doctrina contrâ Pelagianos credita est, illa enim in Pontificum Romanorum oracula, in Synodorum canones, in fidei regulam transit; nam subsecuti Ecclesiæ Praefules unius Augustini vocibus contrâ superbam hæresim sententias dixerunt. Ultimâ senectâ errata sua publicare voluit Retractionum libros edendo. At cùm in cæteris diucentis, & amplius libris plurima censoriâ ille virgâ corrigeret, in libris contrâ Pelagianos editis nullam sententiam retractavit, nihil quod displiceret invenit. Nemo Augustino melius ejusdem efficaciam probavit. Hinc factum est, ut qui post Augustinum divinam gratiam propugnarunt, sub unius Augustini auspiciis in aciem descenderint, ut ex iis, quæ dicturi sumus, apparebit. De ejusdem gestis, ac scriptis plurimi ex Augustinianâ Familia Commentarios edidere, Cornelius Lancellotus, Ludovicus ab Angelis, Aloysius Torellus, aliique, quorum tamen studia vicit sapientissimus Pater Joannes Rivius Belga, ex quibus alii plurima mutuarunt. Strenuissimo huic Duci de Pelagianâ hæresi, aliisque triumphanti epinicio cecinit Michael Hoyerus Augustinianus Lib. 2. flammularum amoris Sancti Augustini carm. XXIX.

*Fallimur, an curru novus æthera Victor eburno
Tempora Phœbæ virgine nexus adit?
Ecquis Jo Pæan rasti super atria cœli,
Ecquis Jo clarâ voce triumphe sonat?
Non hic edomitâ Bromius Gangeticâ terrâ
Lauriger adjunctis tigribus astra petit.
Non fragilem major molitur Atrida triumphum
Truncandus patrios ebeu miser! ante Deos.
Non ardens sceptris rerum infatata vorago,
Festa coronatis Roma triumphat equis.

scd

Sed superas viclor scandit Pater AUREUS arces,
Impositis Ereb monstra premens pedibus.
Aulais festiva micant delubra suberbis,
Semita jactatis erubuitque rosis.
Hic Arabum messes, syrios liquat alter odores.
Hujus Achemonios balat acerra focos.
Hostia spectatis spolia, & de Dite superbo
Exuvias, pompa fercula longa sacre?
Cernitis angueos ut eat demissa capillos
Terribiles spirans Hæris ore minas!
Vincta gravant arata caput, tamen usque ferocit,
Tetraque de sævo corde veneno spuit.
Pone subit Manes scelerumque Pelagius auctor,
Tabida demissi squalidus ora comis.
Ut frendent, oculisque vibrant hostilibus ignes
Laurigeras præjens fœdus uteque rotas.
Infelicem animam ponant, temerare Deorum
Discant impurâ religione metum.
Hostia tam periura sacras jam jam imbuat aras;
Non est Tarpeis dignior ulla foci.
Tu quoque nequitia semen Donare peribis,
Donasti socio qui mala verba gregi.
Eja triumphales umbrent tua tempora lauri:
Omnis, Magne Pater, victimæ fusca jacet.
Victima fusca jacet, tristi quam protulit alvo
Styx nigra tartareum sugere sueta merum.
Eximii hæc est victoria digna triumphis,
Casus ubi unius viribus hostis obit.
Cum rueret Carthago decem succensa diebus,
Magno Scipiadæ pars quota laudis erat?
Partem plebejus, partemque triarius hujus
Excidi haud parvam, si bēnē reris, habent.
At tua, MAGNE PATER, seposta est laurea ab omni
Compare, Palladiâ laurae parta manu.

Sed quid nuperum Poetam ad Augustini victorias concinendas conduceo? Eja tu, qui in defendenda gratiâ Augustini demortui vices gesisti, magne Propper, tuam intende chelin, & triumphanti Imperatori carmina modular. Pone ensem, quo superborum hostium capita feris, & plectrum sollicita, in aciem postea sub Augustini auspiciis iterum descensurus. Hæc ille canit in carmine contrâ Ingratos.

Augustinus erat, quem Christi gratia cornu
Ubiore rigans nostro lumen dedit ævo
Accensum vero de lumine: nam cibis illi,
Et vita, & requies, Deus est, omnisque voluptas
Unus amor Christi est, unus Christi est honor illi,
Et dum nulla sibi tribuit bona, sit Deus illi
Omaia, & in sancto regnat sapientia templo.
Istius ergo inter cunctos, qui de grege sancto
Insanas pepulere feras, industria major,
Mijus opus, torum præstantius imbut orbem.
Nam quocunque gradum convertit callidus hostis,
Quaque per ambages anceps iter egit operata,
Hæc ab occurso est præventus, mille viarum
Insidii aditum non reperientibus ullum.
Cumque foris rabies avidorum exclusa Luporum
Frenderet, inque omnes mendacia verteret artes,
Ne mentes ularum ovium corrumpere posset,
Ne dubia obliquis turbaret corda querelis,
Istius ore Viri fecit Deus: istius ore
Flumina liborum mundum effluxere per omnem,
Quæ mites, humilesque bibunt, campisque animorum
Certant vitalis doctrinae immittere rivos.

Alipius Tagastensis Numidia Primas. Civilis, ac Ecclesiastica Provinciarum Africa divisio præmittitur, ubi de Arzugitanâ provinciâ nonnulla adnotantur. De Numidia Primate vivente Augustino successione Cardinalis Baronii sententia ab objectis à Christiano Lupo erroribus vindicatur. Scriptorum Augustinensium de Profuturo Episcopo narratio expenditur. De Primatiali Numidarum sede Salmasii opinio rejecta. Caroli à Sancto Paulo, ac Holstenni tabula Numidia supplex. Gregorii Magni textus restituuntur. Mors Alippii, itemque Aurelii Cartaginensis, ac de utroque elogium.

A Lipium Tagastensem sepius nobis in Pelagianâ causâ memoratum Numidiæ Primate fuisse ex epigraphie Epistolæ 67. Augustini ad eundem eruditè colligit Chiffletius in notis ad Breviarium canorum Cresconii pag. 316. etenim laudata Epistola sic inscribitur: Augustinus Alipio seni. Idem etiam in Epistolâ 55. à Dioscoro dicitur Senex Alipius. Quonominè, ut inferius ostendam, cum soli Primates vulgo appellarentur, palam sit, Alipium propè annum 430. fuisse Numidarum Primate, ac Valentino, qui anno 423. erat Numidiæ Metropolita, successisse. Anno 416. in literis Synodici Numidarum ad Innocentium Papam post Sylvanum Primate quinque Episcopi antè Alipium subscripti leguntur, quorum unus tantum primatum indeptus est. Ex depravato tamen textu Epistola Augustiniana de tempore obitū Alippii, itemque Numidiæ Primate successione nobiles Scriptores in varias sententias abierte. De his igitur agemus, ut indè etiam pateat, quinam Primates vivente Augustino Numidiā rexerint, quibus Sanctus Episcopus Hippensis utè subditus morem gesit. Eos autem ab anno 395. usque ad annum 430. describemus; toto enim medio illo tempore Augustinus Hippone Episcopus vixit. Hoc tamen antequam exequamur, nonnulla præmittenda sunt, quò plenior Africanarum Ecclesiæ Hierarchia cognitio habeatur.

Africa in Romanorum potestatem redacta in septem provincias divisa fuit, diversis Gubernatoribus singulis præpositis. Provincia Carthaginensis, quæ Zeugitana, & Proconsularis ex Victore Viteni initio ferè lib. 1. de Persecutione Vandalicâ dicta fuit, à Proconsule regebatur. Numidiæ, ac Byzacio duo Consulares præerant. Tripoli autem, & Mauritanie Sitifensi, itemque Cæsareensi tres Præsides iura dabant, undè à Sexto Rufo illæ consulares, hæ præsidiales provinciæ appellatae sunt. Præter hasce sex provincias septima Romanis in eadem Africâ parebat, quæ Tingitana dicebatur, eratque extima Mauritania pars versus Occidentem Oceano Atlantico contermina. Hanc cum Mauritaniâ Sitifensi plerique Scriptores confundunt. In subscriptionibus Syndici plenariæ Africanæ anno 419. Carthagine celebrate Mauritania Sitifensis cum Tingitanâ perperam confunditur, nam legati Mauritaniæ Sitifensis ita subscripti leguntur: Novatus Sitifensis legatus provincia Sitifensis, vel Mauritania Tingitana. Eodem modo duo alteri collegæ describuntur. Eundem lapidem offendit Pamelius in notis ad Epistolam 45. Sancti Cypriani, quo loco ex Sex. Rufo Africana-

rum